



**Petri Thyræi, E Societate Jesu Doctoris Theologi, Et In
Academia Herbipolensi Olim Professoris, Tractatvs De
Apparitionibvs Sacramentalibvs**

Thyraeus, Petrus

Dilingae, 1640

Capvt IV. Quod Deus quandóque voluerit accidere has Apparitiones, ad confundendos hostes Christianæ Religionis.

[urn:nbn:de:hbz:466:1-64272](https://nbn-resolving.de/urn:nbn:de:hbz:466:1-64272)

18. Nec est, quod quis dicat de diuinis rebus hos institutos fuisse, per reuelationes diuinitus factas, Christum ipsis se non exhibuisse. Quid enim interest, Christum per reuelationes videoas, an res arcanas, diuinatasque? Et quid si, qui de rebus arcanis instituti sunt, eos Christum quandoque vidisse dicamus? De Apostolishoc pluribus exemplis doceri potest.

19. Sed fuerint reuelationes Sanctis hominibus factae, absque exhibitione Christi; profecto negari non debet, Christum saepe Sanctis hominibus se exhibuisse; nunc somno occupatis, nunc etiam vigilantibus. Docet hoc liber de Christi Apparitionibus Impersonalibus. Et qui extra Sacramentum saepissime apparuit, & se exhibuit, an huic prohibitum erit, ne appareat in Sacramento?

C A P V T IV.

*Quod Deus quandoque voluerit accidere has
Apparitiones, ad confundendos hostes
Christianæ Religionis.*

*Solet enim haud raro confundere
contrarios Christo*

In propriâ personâ;

Item in suis membris;

In suis imaginibus;

*In rebus ad cultum Christi perti-
nentibus;*

In mandatis ab ipso datis;

Et fuisse etiam in quibusdam Ap-

*paritionibus Deo propositam,
confusionem quorundam,
probant facta Iudeis aliqui-
bus,*

*Quibus neq; profuerunt ad fidem
amplectendam, & confir-
mandam;*

Neq; ad Christianos mores;

Neq; ad spiritualem consolationem.

R. 3.

I. Di-

1. **V**rum est tibi contra stimulum calcitrare. Ita ad Saulum Tarsensem de cælo Dominus, Actor. 9. quando ille spirans minarum & cædis, profectus Damascum, ut si quos eius viæ viros ac mulieres inueniret, perduceret Hierusalem. Significat verò frustra labores suscipere, séque confundere, imò sibi obesse, & detrimenta potius quam lucra reportare eos, qui prauo & peruerso studio se ipsis opponunt; quemadmodum qui contra stimulum, calcitrant, potius læduntur, quam lædunt.

2. Atque ita sanè ut plurimū accidit. Confusio nem, si non quid deterius, reportārunt, qui quovis modo Christo contrarij fuerunt, vel in se, vel in suis, vel in ipsius imaginibꝫ, vel in rebus ad ipsius cultum pertinentibus, vel etiam in contemptu atque negligentia ipsius mandatorum. Quemadmodum omnibus his modis contra stimulum quasi contingit calcitrare, ita in omnibus lædi atque confundi.

3. In proprio corpore, atque adeò propriâ persoâ ipsis contrarij fuerunt Iudæi, cum olim in terra cōmunem nobiscum vitam ageret. Hos nunc ipse verbis perstrinxit; nunc ex manibus eorum dilapsus; nunc etiam in cruce pendens, accersitis pro se quasi omnibus elementis, & à fide verâ alienis hominibus, confudit, & toti mundo fecit contemptibiles.

4. Contrarius ipsis, in sibi deuotis Christianis fuit, Saulus, ut diximus. Et qui non nisi minas & cædes spirabat, voce diuinitus admonitus atque in terram prostratus, in hanc humilitate plenissimam vocem, erupit, Domine, quid

quid me vis facere? ab illóque tempore tanto constan-
tiùs, pertinaciùsque Christi gloriam cœpit defendere,
quanto maiori cum furore, & barbarie eandem locis om-
nibus volebat esse proscriptam.

5. Contra Ch̄risti imágines quidam fuerunt insolentiores; nihil verò præter confusionem, perpetuámque ignominiam reportarunt. Refert Greg. Turonens. l. 1. c. 22. de gloriâ Martyrum, fuisse Iudæum, qui in Christi ima-
ginem sœuijt, illámque telo transfodit; in imagine impiaë
voluntatis suæ argumenta datus, quæ in Christo ipso
libenter exercuisset. Sed sanguine ex imagine profluente,
primum confusus est; deinde proditus & lapidum turbine
oppressus à Christianis, miseram animam efflavit. Si-
milia exempla plura ex varijs autoribus, collegit Breden-
bachius, l. 3. Collationum.

6. Apertè Christi regni, rerūmque ad Christi reli-
gionem cultūmque pertinentium, se publicum hostem,
professus est Julianus Apostata. Sed quantâ cum sui igno-
miniâ, dedecore, confusione? Ipse se à Galilæo (Christo)
viatum esse, animam expirans blasphemō ore confessus
est. Occisus fuit incerti spiculo, & diuina visio prius o-
stensa S. Blasio; cui cum B. Virgine S. Mercurius apparuit,
& discedens, & cruentam hastam referens, quemadmo-
dum ex Helladio D. Basilij discipulo docuit Damasc. lib.
de imaginibus. Vide Sozomenum l. 6. c. 2. & Niceph. l. 10.
c. 35.

7. Neque tuti fuerunt, qui non ità potenter in Chri-
stum sœvierunt; sed tamen hoc ipso contra eundem cal-
citrâsse dici possunt, quod legibus ab ipso latis aut restite-
runt,

runt, aut non satisfecerunt. Volebat Dominus, vt quæ gratis sui accepissent, gratis darent. Id non attendens Simon Magus, cum per impositionem manus Apostolorum, obseruaret dari Spiritum sanctum, petit & hanc sibi tradi potestatem, non leui pecuniæ summâ, Apostolis oblatâ. Quid verò in Christi personâ Petrus? Pecunia tua inquit, tecum sit in perditionem.

8. Hæc cum ità sint, non mirum cuiquam videri debet, si & ijs se Christus opponat, eos egregiè confundat, qui in SS. Sacramentum Eucharistiae, in quo verè, realiterque Christi corpus est atque sanguis, sunt sacrilegi; & quam Christo in propriâ personâ optarent, hanc eidem in SS. Sacramento irrogant contumeliam. In quorum genere complures Iudæi fuerunt, quorum p. i. c. i. n. 10. 11. 12. 13. mentionem facimus.

9. Sed egregiè ipsos in hoc Sacramento Christus cōfudit. Credebant Christum non esse Deum; vnde per summam contumeliam obiiciebant, si Christianorum esset Deus, se ostenderet in nomine mille Diabolorū. Quid verò? Mox ad impiam vocem hostia sanguine fluxit, magno Christi diuinitatis argumento. Volebant nequitas & sacrilegia esse occultissima; ipse verò effecit, vt in omnium essent oculis, & ad posterorum venirent memoriā. Omnem illi Christo subtraactum cupiebant esse honorem; Christus suum honorem ijs ipsis hostijs promovuit & promouet, quibus illi quam potuerunt, intulerunt iniuriam. Volebant de Christo in hostijs, quasi vindictam sumere; Christus ex ijsdem hostijs se quasi vñsciscitur, quando effuso sanguine eorum scelus prodit, & in Magistra-

gistratum potestatem tradit , extremis supplicijs excru-
ciandos.

10. Atque hic etiam vñus est finium, qui Christo in
his Apparitionibus , sub peregrinâ specie in Sacramento
propositi fuerunt; vt ob id dici & credi debeat, quemad-
modum illæ valent ad fidem persuadendam & cōfirman-
dam ; ad mores Christianos formandos ; ad piorum
Christo deuotorum consolationem , itâ & valere ad quo-
rundam refractariorum confusionem .

11. Neque enim de hoc rectè dubitabitur. Quorsum
enim hæ Apparitiones , inter priuatos sacrilegorum Iu-
dæorum parietes, apud Christi, Christianorūmque coniu-
ratissimos hostes ? vbi ipsis hisce Apparitionibus prodi-
giosis , spectatores facti sunt deteriores ? quorsum in-
quam , esse potuerunt .?

12. Non his fides Christiana erat persuadenda apud
eos, apud quos Prophetarum vaticinia nihil profecerunt.
Nec erant in fide confirmandi, qui fidem Christi omnibus
modis oppugnabant .

13. Nec erant his ad saniora consilia vocandi; à fu-
gâ vitiorum , ad studia virtutum. Quoniam vbi fidei iacta
fundamenta non sunt, vt apud Iudæos non erant, parum
prosunt ad æternam vitam , aut vitiorum fuga, aut stu-
dium exercitatiōque virtutum .

14. Consolatione spirituali quis dignos censeat ,?
Hâc Deus in virtutum studio exercitatissimos, & quibus
frequens est de diuinis rebus meditatio , dignatur. Quid
horum in perfidis Iudæis , qui hostili furiosoque animo
Sacramenta aggrediebantur, & prodigijs territi animos in

S nequi-

nequitia confirmabant? & non minora bella contra conscientiam sceleris testem , quām ipsum Sacramentum gesserunt?

15. Maneat igitur, ad ipsorum confusionem Deum voluisse, has ipsis valere Apparitiones. Et quemadmodum vltus est eos, qui in se, suas imagines, sibi deuotos, suas leges atque sua sacra iniuriosi fuerunt, ita hisce Apparitionibus, iustissimam indignationem voluit demonstrare Iudæis, cum summâ ipsorum confusione.

C A P V T V.

Quidnam dæmonibus propositum sit, quando similibus Apparitionibus homines dementant.

Proposita est hominum pernicies. Complacentiam sui excitat facile, non salus; magnitudo sine dignitas Apparitionis, eiusdem queraritatis.
Et utuntur ad id mediis illi conuentibus.

Hic ipsis plurimum seruit compla. Hinc ardua solet Deus adiungere centia sui. revelationibus;

Prasens animarum periculum, ob Et Sancti easdem deprecari, aut superbiam & contemptum certè non expetere solent, &c. aliorum &c.



1. *Via non solum à Deo sunt nostræ, de quibus agimus Apparitiones Sacramentales sub peregrinis speciebus; verum etiam quandoque dæmones habere possunt autores;*